

Na osnovu člana 61.Zakona o upravi („Službeni glasnik BiH“, br. 32/02 i 102/09), te odredaba Pravilnika o unutrašnjoj organizaciji Ministarstva sigurnosti Bosne i Hercegovine, broj: 01-02-125/09 od 09.04.2009.godine, a u vezi sa članom 1. Instrukcije u vezi sa zaključivanjem i provedbom Ugovora o djelu u Ministarstvu sigurnosti Bosne i Hercegovine, broj: 04-02-2-1412/13 od 12.03.2013.godine, broj: 04-02-2-1412-2/13 od 04.04.2014.godine i broj: 04-02-2-1412-3/13 od 27.02.2015.godine kao i nalazima i preporukama prethodne revizije za 2015.godinu, broj: 01-08-16-1-17/16 od 11.01.2016.godine, Ministarstvo sigurnosti Bosne i Hercegovine, **d o n o s i**

**INSTRUKCIJA O DOPUNI INSTRUKCIJE U VEZI SA ZAKLJUČIVANJEM I  
PROVEDBOM UGOVORA O DJELU U MINISTARSTVU SIGURNOSTI BOSNE I  
HERCEGOVINE, BROJ:04-02-2-1412/13 OD 12.03.2013.GODINE, BROJ: 04-02-2-  
1412-2/13 OD 04.04.2014.GODINE I BROJ: 04-02-2-1412-3/13 OD  
27.02.2015.GODINE**

**Član 1.**

Član 1. Instrukcije u vezi sa zaključivanjem i provedbom Ugovora o djelu u Ministarstvu sigurnosti Bosne i Hercegovine, broj: 04-02-2-1412/13 od 12.03.2013.godine, broj: 04-02-2-1412-2/13 od 04.04.2014.godine i broj: 04-02-2-1412-3/13 od 27.02.2015.godine, dopunjava se st. (8) i (9) koji glase:

(8) Angažovanje po osnovu Ugovora o djelu ne bi trebao biti praksa i ovakav oblik zapošljavanja treba koristiti u samo izuzetnim okolnostima za konkretne poslove i za poslove koji, po svom opisu, ne spadaju u redovne poslove i poslove koji su ograničenog vremenskog trajanja.

(9) Potrebno je planirati potrebu za uslugama koje se pribavljaju putem Ugovora o djelu u skladu sa principom efikasnosti, zatim obezbijediti mehanizam kontrole kao i transparentnog trošenja javnog novca.


**Član 2.**

Ostali dijelovi Instrukcije u vezi sa zaključivanjem i provedbom Ugovora o djelu u Ministarstvu sigurnosti Bosne i Hercegovine, broj: 04-02-2-1412/13 od 12.03.2013.godine, broj: 04-02-2-1412-2/13 od 04.04.2014.godine i broj: 04-02-2-1412-3/13 od 27.02.2015.godine, ostaju nepromijenjeni.

**Član 3.**

Ova Instrukcija stupa na snagu danom donošenja i neće se objavljivati u „Službenom glasnik Bosne i Hercegovine“.

Broj: 04-02-2-1412-5/13  
Datum: 23.02.2016.



## OBRAZLOŽENJE

### I PRAVNI OSNOV

Pravni osnov za donošenje Instrukcije o dopuni Instrukcije u vezi sa zaključivanjem i provedbom Ugovora o djelu u Ministarstvu sigurnosti Bosne i Hercegovine, sadržan je članu 61. Zakona o upravi („Službeni glasnik BiH“, br. 32/02 i 102/09) kojim je između ostalog propisano da rukovodioci organa uprave donose propise s ciljem omogućavanja izvršavanja zakona i drugih propisa iz nadležnosti organa uprave kojim rukovode, kada su za to zakonom ovlašteni kao i odredbama Pravilnika o unutrašnjoj organizaciji Ministarstva sigurnosti Bosne i Hercegovine, broj: 01-02-125/09 od 09.04.2009.godine, te nalazima i preporukama prethodne revizije za 2015.godinu, broj: 01-08-16-1-17/16 od 11.01.2016.godine

### II RAZLOZI ZA DONOŠENJE

Na osnovu Pisma rukovodiocu Ministarstva sigurnosti Bosne i Hercegovine o nalazima i preporukama prethodne revizije za 2015.godinu, broj: 01-08-16-1-17/16 od 11.01.2016.godine, Ured za reviziju institucija Bosne i Hercegovine je je uočio da u toku prethodne revizije pojedine preporuke nisu realizovane.

S tim u vezi, Ured za reviziju ističe da u toku 2015.godine, Ministarstvo je na temelju Ugovora o djelu angažovalo 15 vanjskih saradnika, od čega pet vanjskih saradnika tokom čitave godine, tako da je ukupan broj vanjskih saradnika povećan u odnosu na 2014.godinu (u 2014.godini angažovano je 14 vanjskih saradnika). Nadalje ističu da od ukupno devet vanjskih saradnika angažovanih na dan 30.09.2015.godine, pet vanjskih saradnika je bilo angažovano i prethodne godine. Prema prezentovanim podacima, pojedine osobe su za određene usluge bile angažovane još od 2006.godine, ali iste nisu bile angažovane tokom čitavog razdoblja. Ugovori o djelu za stalno angažovanje od razdoblja 2007.-2011.godine.

Višegodišnje ponavljanje obavljanja poslova putem zaključivanja Ugovora o djelu govori kako takvi poslovi nisu privremenog karaktera tako da se ne bi trebali obavljati na ovakav način. Ured za reviziju je mišljenja da angažovanje po osnovu Ugovora o djelu ne bi trebalo biti praksa i ovakav oblik zapošljavanja treba koristiti u samo izuzetnim okolnostima, za konkretne poslove i za poslove koji, po opisu, ne spadaju u redovne poslove i poslove koji su ograničenog vremenskog trajanja.

Potrebno je na efikasan i transparentan način upravljati Ugovorima o djelu o privremenim i povremenim poslovima u Ministarstvu sigurnosti Bosne i Hercegovine. Potrebno je planirati potrebu za uslugama koje se pribavljaju putem Ugovora o djelu u skladu sa principom efikasnosti, zatim obezbijediti mehanizam kontrole kao i transparentnog trošenja javnog novca

### III FINANSIJSKA SREDSTVA

Za provođenje ove Instrukcije nisu potrebna finansijska sredstva.